

平樂府志卷二十

名宦部三

宦績

賀縣

三國吳

呂岱字定公廣陵人代步騭爲交州刺史鬱林土蠻攻圍郡縣岱討破之又詔討賊王金縛金詣郡士徽兄弟不受命岱計斬以萬計遣從事往諭扶南林邑諸王各遣使奉貢孫權嘉其功拜鎮南將軍黃龍三年召岱還後廖式煽亂零陵蒼梧鬱林諸郡騷動岱時老矣在武昌自表請行孫權拜爲交州牧遺裨將唐咨等破賊斬式及諸所僞署臨賀太守費禡解其支黨郡縣悉平

晉

陶侃字士行潯陽人忤王敦左遷廣州刺史時王敦以王機爲交州刺史杜宏據臨賀與溫邵及交州劉沉俱謀反侃擊杜宏破之執劉沉於小桂又遣部將許高討機斬之

唐

劉知謙壽州上蔡人黃巢自嶺表北還湖湘間羣盜蟻結知謙據封州有詔卽授刺史兼賀水鎮使以遏梧桂知謙撫納流亡愛嗇用度養士卒得精

兵萬人多具戰艦境內肅然

唐書傳

知謙卒子隱

居喪賀江士民百餘人謀亂隱計誅之節使劉宗

龜奏補古都押衙兼賀水鎮使

通鑑

劉隱封南海王卒其弟龔

音儼

立貞明三年龔卽皇

帝位國號大越改元曰乾亨四年楚馬殷以舟師

攻封州封州兵敗於賀江龔懼改遣將蘓章以神

弩軍三千救章以兩鐵索沈賀江中爲巨輪於岸

上築隄以隱之陽敗楚人逐之章舉輪挽索鎖楚

舟以強弩射之盡殺楚人九年遣孫德成攻蒙州

不克龔弟晟立是時馬希廣新立希萼起兵武陵

鍾允章言楚可攻狀晟遣吳珣內侍吳懷恩攻賀

平樂府志

卷二十 宦績

二

州楚人敗績珣等攻桂州及連宜嚴梧蒙五州皆

克之

五代史

宋

潘美字仲詢大名人開寶三年征嶺南美爲行營

諸軍都部署郎州團練使尹崇珂副之進克富川

劉鋹遣將率衆萬餘來援遇戰大破之遂克賀州

十月下昭桂廣右咸附擒鋹送京卽命美與崇珂

同知廣州兼嶺南道轉運使未幾南漢開府樂範

容州都指揮鄧存忠等叛崇珂督戰數月盡平其

黨初賀州未下荆湖轉運使王明督所部護送輜

重卒及丁夫數千堙塹抵城城中懼遂降

元

塔里赤康里人廣西兩江道宣慰使都元帥賀州盜起塔里赤討平之子萬奴廣西宣慰使都元帥刺史

唐

武充字虛受貞元中賀州刺史教民以慈愛易俗以禮讓達其志意通其嗜欲大用治理居任凡六載困於足痺卒官

鄧璧元祐中知賀州大興庠序以故宫弗稱改建於城東置田購書以惠髦士聞風來學者二百餘人璧日三造馬執經辨難夜分不倦

平樂府志

卷二十 宦績

三

知縣

宋

周輔成道州人敦頤父也大中祥符八年進士終賀州桂嶺令有惠政省志嘉靖間提舉僉事黃佐謂

公寔生濂溪啟宋道學之源以德以功宜入祀典而郡乘有缺甚非所以旌名宦而崇道本也祀名宦胡志與程珦同時後人侈為盛事稱周程四賢一

堂會晤云省志

明

黃璉江西廣昌人宏治初官賀縣省志在任九年有惠政凡遇慶賀儀節皆正千戶行體璉至悉改正

之制造儀仗開三乘寺爲習儀所建縣牌坊及江東津亭諸凡土街俱塹以石後爲保勘皇親事坐謫民至今思之

段雲鴻嘉靖間知賀縣治尚仁慈不事苛刻縱有不得已之刑亦必以利害勸導民有詞訟互爲平釋罪不深求捐貲修學建橋朔望講書惠以紙筆歲終貧儒量爲資助薪米士民感悅不忘

王聰號鶴菴在賀多所建置嘉靖甲午大學生費炳修賀志載是歲芝生九本遂遷直隸廣平府倅近代賀令多不遷而遷自聰始然賀令之賢亦以聰爲首後官至太平府同知民至今思慕之

李時敏汾陽人歲貢親喪廬墓六年以至孝稱嘉靖十四年爲靈川知縣刻忠孝昏喪四編以諷諭民尤長弓馬時有賊警巡察境內盜賊屏息署賀縣卒民哀思之

翁懋勲崇安人萬歷間賀縣知縣草寇竊發至卽撤兵招之盜梗如故遂直入賊寨諭之曰若遭苦饑寒乃聚爲賊耳吾當爲若請賊感泣乞降迄終任無敢叛者

縣丞

明

石汝礪直隸高樂人嘉靖三十四年任不携妻子

惟童僕三四人之任加意學校陰重斯文嘗用磚包砌學宮鑿石柱爲櫺星門善騎射有清操吏民畏威猛獠向化當道獎之未幾爲羣小所譖被逮不勝拷掠誣服焉將發戍濟陽衛按院各道知其爲人迨勘獄者遷秩去始釋復其官署印一載缺裁改山東卽墨丞有政聲陞青州衛經歷

教諭

明

甘秉倫因才責成士樂其教間有從師講學者必津送而助給之手植雙桂於明倫堂之前人稱之曰甘桂在東門內舊學

平樂府志

卷二十 宦績

五

李文貴長於文學嘉靖間知賀縣勤以勵己嚴以教人率士攻舉子業勸賀人行文公禮人畏雨愛之嘉靖乙巳因舊學不利科目自捐金二百遷學宮於南門內玉虛觀地己酉甲子科俱有獲雋者士林德之

學正

宋

高登字彥先漳浦人爲太學生與陳東上書者再紹興二年廷對無所顧忌有司以其直授富川主簿提刑董弇聞其名檄讞六郡獄復命兼賀州學事學故有田舍時已歸買馬司登請復其舊守曰

買馬養士孰急登曰買馬固急然一日廢士與堂下卒何異守不能奪卒歸之攝獄事守欲脫殺人者藉口陰德登曰陰德豈可有心爲之殺人者可不死則死者冤何雪哉秩滿士民留不獲相率餽錢五十萬登婉辭之不可置於學買書以謝士

荔浦縣知縣

宋

甘叙異未詳邑里廉明仁愛有功於荔至今父老猶傳頌之

胡志

按甘同叔字叙異豐城人淳熙進士胡志作叔異宜邑里之未詳也

平樂府志

卷二十 宦績

六

趙崇夏嘉定間知立山縣敦風教舉廢墜以夫子廟將圯請於臺府而一新之士駸駸習俎豆焉祀名宦祠

明

馬宥山東人由選貢生洪武元年出知荔浦時天下初定宥加意新附之衆經制立法以貽久安之規如創縣治建儒學立城隍社稷置四鄉八都十里諸廢備舉云

伍繪廣東四會人由歲貢景泰六年任值殘破之後民鮮室家公至悉心拊循改遷城邑移建儒學城隍民得安堵盜絕窺伺者皆公之功也

章律字鳴鳳常熟人景泰甲戌進士成化間廣西左參政歲旱齋沐率官屬露處以禱遂雨歲以大熟荔浦獐賊竊發邊將徂征公受命監督率泗城兵由象武路扼陳村口當賊之衝遂擒渠魁而悉散其脅從者時營中竹槁而復生衆咸以爲不殺之祥事聞特賜勅獎勵進秩正二品

雷燮甌寧人正德間荔浦知縣時獠獐羣起民無寧居所在累石結砦依險自固並世業棄之燮下令招撫復業者免其賦貧無牛種者官給之流移漸復

陳泗湖廣崇陽人舉人嘉靖三十五年荔浦知縣

廉靜有守寬惠宜民請革鐸木葛布零香翠毛胖襖諸貢及裁峰門南源二巡檢皆功德之在人心者其後引年致仕

劉誥雲南永昌人舉人隆慶元年荔浦知縣時古田未征盜賊克斥三崗爲其肘腋誥撫以恩信嚴刁斗謹偵候練兵積粟賊覘其備不敢犯遷武昌通判

陳彬惠安人隆慶五年荔浦知縣時廖峒獠黎朝相仇殺武弁邀功以叛聞制府議剿之彬力爭謂首事有主名不當焚及玉石議不合挂冠去兵事遂得寢活者數千人

呂文峰廣東人舉人萬歷八年荔浦知縣操守才學並茂創縣署建文廟改移城樓修理寨堡查復捕衙基址處置梗化頑民立社學以教子弟設養濟以甦困窮百度聿新巖邑大治遷浙江嘉興同知

邵元亨貴州普安人萬歷二十八年荔浦知縣崇祀名宦祠碑石剥落事實不詳故老不能道其一

二然非賢有司安得從附祀典與馬伍諸公並傳於不可朽也

國朝

馮于英

省志作英

浙江平湖

省志作鹽

進士康熙四十

平樂府志

卷二十 宦績

八

一年知荔浦縣南源大江周鄧陸三姓蠻劫掠邨莊擄牛馬男婦于英詳立南源夾板二堡鋤強勦惡民賴以安

陳聶恒江南武進人進士康熙四十五年荔浦知縣在任一載憐三姓蠻獠無依化導歸誠事未竣以艱去官

主簿

元

石天岳未詳里邑至正九年荔浦主簿時獠獠出沒民不聊生整飭地方修建文廟有修學記舊志官署壇廟蕪廢殆盡天岳至始稍葺之逾年核田賦

明疆界追逋侵廩有餘粟乃計經費之餘擇胥吏
中勤慎者貿村繕治駸駸復舊觀焉

金志作十年任

修仁縣知縣

明

唐執中雲南昆明人以明經舉於鄉隆慶初除修
仁令直古田賊勢猖獗方興師大創之當事者檄
執中至兩江佐軍需大軍深入轉餉無乏賊平畱
善後因晉秩知州當事者以中親與行伍明習邑
事遂遷永寧知州是時巨賊雖已授首然諸獠新
附猶鴛驚不馴或嘯聚剽掠發蹤殄滅更多方畧
凡城池公署修廢舉墜俱身任其勞且四境荆榛

平樂府志

卷二十

宦績

九

田野荒蕪中清丈田畝招集流亡而民皆安其業
葉喜雨饒平人由貢生知修仁縣縣故獠獞錯處
新失吉祥安平二里後孤城荒涼不堪喜雨怡然
安之曰朝廷置吏我輩服官正宜於此地見長乃

結以恩信馭以方畧邊境稱寧

省志修仁知縣永安

彭時濟安福人由貢生知修仁縣邑界柳象間叛
服靡常出城圍數武非挾戈矛擁什伍不敢往田
土多蕪民間於耕作時濟多方撫諭乃教之藝植
令民爲保保有事互相應援終其任賊無敢近城
掠者

楊日安湖南瀘溪人選貢萬歷間修仁縣知縣時

直殘破之後編戶止半里諸務廢弛刻意撫綏循行阡陌裹糧携釜自爨約束隨從吏胥村落不擾勸化猺獞輸糧編戶迄成二里捐俸建縣署學宮義倉次第就緒五載民安盜息邑里改觀陞順慶府判士民至今思之

昭平縣知縣

明

凌東京江南泰州監生萬歷四年任時猺寇初平府江兵燹稍熄督撫始議設縣非幹員不足以勝任東京素爲粵西能吏一切分疆畫界建置營造草創之功不可殫述

平樂府志

卷二十 宦績

十

方恩

省志作思

賢廣東順德舉人萬歷八年知昭平縣

時邑甫平百度草創城垣雖建時多傾圮猺獞四出恩賢口夜親自督守鑿馬灘山石以補築之營繕公廨學宮舖遞公館次第告成北陀獞黃璉寶等負固不服徵輸監司已議征勦賢直抵其巢宣布德威璉寶等啣恩帖服卽斂銀以完逋糧仍縛璉寶出見監司謝罪兵無血刃猺盡歸化拮据五載心神勞瘁遷四川同知士民思之

閔達江西新建人萬歷二十五年任其政績雖無可考據邑人廖肅頌詩云劍戟縱橫勞撫字軍書芻午費區裁牧民禦寇誠難事保土全城亦壯哉

讀此可想見當時獠賊盤花婁唐則婁等猖獗達能竭力保障其功不小

冷茂功雲南北勝州貢生萬歷三十四年任縣治初設未久諸事草創學宮卑隘正殿止一楹茂功捐俸規畫制度完美

柯壽愷福建莆出人萬歷四十四年任昭平自設縣已四十年志乘缺如壽愷廣爲採輯勒成一書雖未稱全備後人得有影本

羅起化江西新建人天啟二年任其政績亦無可考但邑有四公祠據碑文實起化爲之經營跡其景仰前徽可想見其人

甘文奎江西南昌人崇禎七年任縣奸獠韋公信等煽動羣蠻計占王承聘等民田數萬頃靖藩長子亨嘉爲之主謀撫夷同知王重綱爲之羽翼文奎獨持正不屈利誘威迫不能動靖藩誣奏文奎受賄而不收獠糧逞威而立斃侯八欽差會勘奎侃侃直談而得直以數萬田悉歸民而治羣奸罪斯時羣獠肆橫民多流亡文奎多方招徠安集見縣治形勢沙飛水走必於午方建塔庶免土困民貧而齋志以去邑人爲立甘公祠以尸祝焉

國朝

陳定國直隸沙河人廉潔而嚴時民任館庫里甲

之役邑當孔道措辦無休日定國絕交際土官無歲時之供聽斷明允不以權勢翫法尤畱心學校移建學宮增置學田造士養民多善政

蕭鑑湖南茶陵人康熙十八年任未遇時曾館於邑之昭平里及蒞任門庭清肅邑人不敢以私謁益勵操守秋毫無私疑訟一訊立辨士之貧者給以資斧由是士益向學

楊一漳陝西武功人康熙四十一年任治尚嚴明在任八載撫字催科俱有條理獯人韋應元扶閉福等與何漢昆等爭田賴租六案一漳持正之功居多民建去思碑附祀於戴公祠

馬尹江南常熟進士康熙五十四年任沈靜有斷不爲操切而巨奸劇寇莫能窺測其淺深首興學校進弟子之秀者肄業暇卽取課藝評隲獎賞有加聽訟諄諄勸誨士習民風爲之一變以疾卒於官士民衣白哭祭於數百里不絕

錢兆澧浙江長興貢生康熙五十八年任政尚和平愛民育士凡城池公署祠宇修廢舉墜捐俸開鑿接米嶺險道三十餘里成坦途文寧招三里輪將甚便又於附城黃姚英家等處設立社學延師教凡民之秀者多所成就時人比之文翁

楊世昌雲南舉人雍正八年任治明而能斷尊賢

好土居心慈惠立品端方陞任去縣士民攀送載道

何毅夫廣東順德人乾隆十六年任治尚仁慈不事苛刻民有訟必開誠勸諭曉以利害捐貲修學集諸生躬訓課之經書疑義時藝程式悉與講論士民感之

金甲儀徵人乾隆十九年任邑附城義學舊無膏火惟令清俸是賴甲蒞昭時義學不開已二年甲詳請將前黃藩憲所置黃公渡久廢之書院內田禾撥三千觔永爲義學膏火因改義學名南池書院云

教諭

劉傳禮北流恩貢乾隆三年任訓士殷殷無倦有不檢者必勸誡之馬頭渡向有黃藩司置買田畝收息給養渡夫後黃因公變價傳禮捐五十金贖歸至今永賴

高輅岑溪歲貢雍正三年任課士有條昭向無學署輅捐置正署於明倫堂後又爲訓導買明經關琪廢宅於明倫堂側至今俱賴有寧宇

董敬修臨桂舉人雍正三年任實心教士昭平學田久沒於兵燧每年官賠錢糧敬修體訪得實詳明清出田一頃二十一畝零積蠹永除

訓導

鄧學榮全州歲貢雍正十二年任勤於課士文昌祠久就坍塌爲倡捐重修本署爲建頭門修廢舉墜士民重之

曹子顯懷遠歲貢乾隆九年任課士不倦每月課外與教諭程元林捐俸交在城紳士生息爲文昌祠文會俾諸生不時講習今尤賴之

王璿桂林人歲貢雍正六年任教士有方學宮木主體製不莊兼年遠頽壞捐俸重造

永安州知州

宋

王世則永福人淳祐初世則以右正言使高州還朝條事迹及山川形勢上之進直史館與尹黃裳馮拯等伏闕請立許王爲儲貳太宗怒謫蒙州

明

鄒紉臨川人舉人正德間永安知州省志在任六年

居官清守始終一節寇屢攻城與民堅守卒能保

全

李思省志作恩江西安福舉人正德間永安知州省志事

蹟無考曾修州署

黃蘭陞平樂府同知仍管州事施澤日久民懷安

集在任七年

李文學興化人嘉靖間舉人永安知州省志在任一年卒於官民有遺思

謝澧閩縣人嘉靖十三年永安知州在任五年時數有寇警澧勵兵固守請鑿五屯所河道貿易魚

鹽至今賴之

文載

楊鈞進士任二年

楊維執揭陽人舉人隆慶間永安知州省志征山灣

平之

國朝

屠德隆號懿頌江南武進縣人進士順治十六年知永安州事惠政甚多呈請崇祀名宦永民至今

平樂府志

卷二十 宦績

十五

念之

鄧林尹號虞山順天宛平縣人副榜康熙乙巳自秦白河來刺州事甫下車詢民疾苦潔己愛民興利除弊獠獠悍鷲難馴林尹因獠治獠卒皆畏威懷德陞岳州府丞

丁亮工號秋濤浙江平湖縣人康熙十八年知永安州時吳逆倡亂初行恢復軍興劬午亮工紆思百計調劑咸宜奉檄派取剝隘運夫條陳解銀召募採買軍精半多詳免設立更樓以備竊發請畱土舍約束寨堡革火耗除供應汰坐差立滾籤捐積穀賑孤獨講鄉約懲健訟清隱佔禁賭博修文

廟立義學建明倫堂復尊經閣以至州署橋梁無不及時修舉德政之暇以詩文自娛搜輯州志以成大典士民頌德不衰

陳大輦字子京黃岡人康熙四十五年進士授永安知州永安處萬山中土著者皆獠獍風俗最乖大輦爲定婚嫁喪葬之制俾習而行之建學以興文教俗用丕變調任西隆州革頑戢暴漢土悅服後遷福建鹽運使分司去

武職

宋

王繼勳開寶間玉師伐南漢繼勳爲賀州道馬步

軍都監有武勇在軍陣嘗用鐵鞭鐵槊鐵鈇軍中目爲王三鐵

僞越吳懷恩番禺人乾和中楚王希廣與庶兄爭國劉晟以懷恩爲西北面招討使將兵擊楚拔賀州已而復陷昭州盡得蒙桂宜連梧嚴富昭柳象龔十一州地當時稱善戰者推懷恩爲首

文載

岳飛字鵬舉相州湯陰人湖南賊曹成連破道賀二州飛被命討成至賀得成謀者縛之帳下故囑吏白糧且盡飛應以暫返茶陵故縱謀逸去告成成來追飛潛趨遶嶺破成太平場砦成走據北藏嶺上梧關遣將迎戰飛不陣而鼓士爭奮奪二隘

據之成又自桂嶺置砦至北藏嶺連控隘道親以眾十餘萬守蓬頭嶺飛部纔八千一鼓登嶺破其眾成奔連州謂張憲等曰成黨散去追而殺之則脅從者可憫縱之則復聚爲患今遣若等誅其渠而撫其眾慎勿妄殺累主上保民之仁於是憲自賀連徐慶自邵道王貴自郴桂降者二萬與飛會連州進兵追成成走宣撫司降後授清遠軍節度使

明

呼良朋字如蘭鎮東人歷官至總兵佩征蠻將軍印鎮廣西時昭州叛卒據三峯峰門爲亂良朋檄

叅將白玉間道趨荔浦身自督兵繼之奉命征府江部分諸將以二萬人爲四隊絕險並進斬虜獠賊數千進擊諸支崗盡平之綏輯良獠至千餘家乃置戍建堡分田給餉以其間令戍卒刊蒙翳治橋梁郵置亭館絡繹不絕兩江之間往來如砥捷聞賜金綺未幾以母老乞歸

朱旻如臨桂人由武科起家功拜鎮西將軍加宮保督兵守平樂時諸鎮望風遁旻如堅守孤城城破危坐引刀自決伏尸塵土中家人掘起視之經數日猶凜凜有生氣云

郭鉉字彥和合肥人宏治中充副總兵鎮廣西永

安諸路獐賊流劫府江鉉首議用兵分路進勦俘
斬甚衆事母謹考養而自奉簡約澹然有寒素風
王瑞黃岩人南丹千戶以功遷永寧叅將時陽朔
荔浦諸蠻憑險作亂總兵李錫檄瑞偏師夾剿諸
寇悉平疾趨理定上宋諸巢盡掃賊穴
歐磐滁人襲世職指揮使成化中以功進都指揮
同知宏治初謝病解職總督秦紘薦磐多戰功起
用八年府江永安諸獠亂總督閔珪調兵六萬分
四哨往討磐自象州修仁直搗陸峒所向摧破已
偕諸軍連破山砦百八十斬首六千有奇進都指
揮使廣西副總兵

林武苴晉江人萬歷中守備五山值府江獠亂王
師入剿度賊必走平南檄武苴邀擊時花相山獠
與府江相應武苴慮乘其後乃單騎往撫所在悅
服遂率兵逆賊日夜衝瘴走三百里卒時甚惜之

國朝

唐鳳字羽雲廣東潮陽人喜讀書康熙七年以都
司僉書守賀縣軍法嚴明桂嶺諸獠獐憚之孫延
齡附吳逆叛鳳詣督府陳破賊方畧令以援剿遊
擊鎮岑溪時僞檄紛馳土鎮蜂起鳳破斬其僞總
兵林萬勝孫雲客於藤縣義昌鄉王邦相張宏等
於容縣坡里民賴以安鳳素得士心且平易近人

鄉人來見者視其能命之坐與酒食衣服訊所在形勢故敵情每先知之其待士大夫尤謙恭盡禮人咸奇爲大將才以傲上不獲致通顯終督標叅將

吳錫綬會稽人武進士爲羅定協中軍都司康熙十七年春隨巡撫傅公宏烈恢復平樂駐兵季魚堡僞將軍吳世琮之前鋒劉仕龍來攻錫綬以孤軍挫其鋒直入重圍以衆寡不敵致弓折矢盡猶躍下馬取亂石擊殺數人而後拔佩刀自殺其部下千總謝得功譚英把總翟應麟百隊雷振何華楊果梁大與經制兵八百名皆死於陣無一存者

平樂府志

卷二十

宦績

十九

事聞

詔賜祭卹有差